


S.P.: 24 Tél.: 22-21-04 Bamako (Mali)

Zenerali Musa TARAWELE seginna ka bò Tunizi Kore ani sinuwa jamana la



Mali fangaso kuntigi ni jamana Peresidan zenerali Musa TARAWELE seginna ka b'a ka tile 10 ni kò taama la, taratadon, san 1986, zuluye kalo tile fóló.

Zenerali Musa TARAWELE n'a furumuso ni jamana nyemógó dów tun taara wele jaabi, wele min bilala an ka jamana kuntigi ma sinuwa jamana ni Kore ni Tunuzi jamanaw nyemógó fóló fè.

Peresidan Musa TARAWELE n'a nòkanmógów selen sinuwa jamana kónò, a ni yen Peresidan LI KIYANYAN ye nyógón kumanyógónya; o nyógónye sen fè Mali fangaso kuntigi ni Sinuwa jamana nyemógów da

sera jékabaara suguja kura dò ma Mali Sinuwa jamana cè, n'o ye baaradaw konyèw nyenabóli ye jamana fila ka nyemógóya kónò, baarada minnu mana sigi sen kan u ka bolodinyógónma ni nyógóndemè kadara kónò.

A donnen Bamakò, Mali peresidan y'a jira kò fèrè kura min siril'an ni sinuwa jamana fangaso nyemógów fè nin ye, k'a bènna waleyàya ani k'a sinsi baaradaw la, minnu y'an ka jamana fila ka bolodinyógónma ni teriya nafaw ye.

Sinuwa jamana nyemógów y'a kan di, k'u bènna "SOMIYKISI" ni

Mali yiriwali banki "BDM" gèlèyaw latèmè cogo jateminè.

Peresidan n'a furumuso n'u nòkanmógów ye Sinuwa jamana mara dów yaala, i n'a fò Kankèn, yòrò min na u dabali banna yenkaw ka cèsiri la ka ji koron k'a don u nyèna daw fè, ani ka s'u yèrè kòrò baloko la. U bóra yen ka se LANZU, ka t'a Lajè LANZUKAW ye se sòrò cogo min na ja kan, ka dansigi a n'a masibaw la.

A bólen ko Sinuwa jamana kónò, "UDPM" Sekeretèri zenerali n'a nòkanmógów y'u kunda Peresidan KIMILI SUNGI ka jamana kan, n'o ye KORE erepibiliki demokaratiki ye. zenerali Musa TARAWELE ni KORE fangaso nyemógów ka barò tun ntuloma ye jamana fila ka jèkawalew ye.

O siratigè la, u kumara bógonin minnènw dilan izini "UCEMA" kan ani samanko yòrò min labènna senè kama ani seko ni dònko soba, minnu bèe waleyàya an bara ni KORE ka dèmè ye. KORE nyemógów ye layidu ta ka samanko cikèyòrò kènè bonya ni taari 50.000 ye, ani ka seko ni dònko soba kumalase mansinw labèn k'u k'an sago ye.

Mali jèkulu min nyemógóya tun bè Peresidan Musa TARAWELE bolo, a ka taama Foorila Peresidan Habibu BURUGIBA ka jamana kónò, n'o ye TUNIZI ye.

O taama tun ye wele jaabi ye, min bilala zenerali Musa TARAWELE ma nyinan Feburuye kalo la, TUNIZI jamana nyemógó fóló fè.

Mali fangaso kuntigi ni TUNIZI nyemógów ye ni kura don an ka jamana fila cèsiraw la ni yèlèma donni ye bènkanw na, minnu b'an ni nyógón cè kabini san 1963, sanko jago konyèw la.

Zenerali Musa TARAWELE y'a jira k'a ni jamana 3 in bèe nyemógów hakilinataw

kèra kelen ye Afiriki ani Azi ni dinyè kónòròko gèlènw kaa.

A ye foli ni tanuni walenyumandòn kè KORE ni TUNIZI ni Sinuwa jamana fangaso nyemógów n'u denw ye bonya ni karama kòsòn, ale n'a furumuso n'a nòkanmógów kurbènna ni min ye jamana 3 minnu bèe kónò.

Alimamiw ni wajulikèlaw ka dònnyaw sinsini

Taratadon, san 1986 zuwèn kalo tile 17, kalan dò daminèra dinyè silamè jèkulu fè, Madarasa kalan-soba dò la Bamakò, min tógó dalen don Kalèdi Bèn Abudulu AZIZI la, n'a bè Bajalan filanan kin na Pariti "UDPM" kow latèmè jèkulu "BEC" ni gòfèrenama nyemógów ni hadamadènya jèkuluw ka cidènw ni silamè jamanaw lasigiden minnu b'an fè yan ani jamana seleke naani muuniw ka mógó yamaruyalen caman tun bè kalan in dayèlè kènè kan.

Mógó caman ye kumata kènè in kan k'u ka nisèndiya jira kalanko in kan ani ka foli ni tanuni lase makan jamana faamaso nyemógów ni misira jamana taw ma k'o sababu bó u ka diinè kanubaganciya baara la ni karamógó faamuyalenw ni gafew cili ye Mali ma, wala kala in ka kè a kècogo la.

U ye dò fò Mali silamèw ka jè kan, minnu ye diinè ka nyinita gèlènw mata-rafali k'u haminanko fólów ye, i n'a fò ka sujudu bin Ala ye sinyè 5 tile kènè,


ka sunkalo tile 30 sun ani k'a nyini ka taa hiji la, n'a se bè min ye.

Makan jamana lasigiden ye dinyè silamè jèkulu fo a ka cèsiri la ka alimamiw ni wajulikèlaw labèn silamèya jènsènni kama, k'a kanu don hadamadènw dusukun na. A ye dugaw kè kalan in ka nyè-sòrò.

Karamógów ka mógó yamaruyalen ye foli bila Mali gòfèrenama la bonya ni karama kòsòn, u kurbènna ni min ye silamèya sira kan. A k'a b'a nyini kalandenw fè, u k'u jija ka dò tòmò u ka fótaw la, u na se k'u n'u masurunya mógów magonyèlan bó min na, Alabato siratigè la.

Mali kónòròkow minisiri nònabila, Bakari TARAWELE, n'ale ye farikolonyènajè ni seko ni dònko minisiri ye, o ye kumata laban na ka dinyè silamè jèkulu walenyumandòn kalan in labènni na, min bènna dò fara silamèya dawula kan. A ye nyègónkanu, ni nyègónfaamuya ni bèn nyini kalandenw fè ka bèn ni diinè ka nyinaw ye.

Peresidan ka nyògònnye



MALI JAMANA FANGASO KUNTIGI ZENERALI MUSA TARAWELE NI SARAWI PERESIDAN MOHAMEDI ABUDELI AZIZI

walew kan, n'o ye sarawi fasokunmahò-law ka kèlè juguyali ye ka t'a fè ani Afiriki kelenya tònba "OUA" Peresidan ni dinyè jamana hòrò-nyalenw ka jèkulu "ONU" Sekeretèri zenerali ka nkaniya nyumanw politiki sira kan, ka dansigi Maròku ni polisariyo ka fonyògònko la.

"RASD" jamana kuntigi y'a jira ko nyògònnye fila minnu kèr'e kadara kònò, u ma se ka bèn ko la, o de kòsòn a y'a nyini k'o kow kunkun n'u nyenyèn tòmò zenerali Musa TARAWELE ye an'u ka dò fò "OUA" ka kèwale nataw kan.

Peresidan Mohamèdi Abudèli AZIZI k'a dalen don a la k'a

fò, ko jéyòròba b'a ni Peresidan Musa TARAWELE ka nyògònnye in na, a nafaw kòsòn jamana fila bolo ani an ka mara ni Afiriki mòmè bèe.

"RASD" jamana kuntigi da sera Mali ka cèsiri ma ani dinyè hère kanubagaw "RASD" ni Maròku ka fonyògònko dabilaliko la jèkakuma ni bèn ni damakènyè kònò, wala wote bè se ka labèn sarawi jamadenw bè se min sen fè, k'u ni dungò politiki sira sugandi.

Hakililajigin siratigè la, an b'aw ladònnya ko sannia ka se Mali la, sarawi Peresidan sera Burukina Faso ni zinbawè ani kongo jamanaw kònò.

Sarawi jamana Peresidan Mohamèdi Abudèli AZIZI ye taama kunkurunnin kè

Mali kònò, san 1986, zuluye kalo daminé in na. Taama in hukumu

kònò, a ni zenerali Musa TARAWELE kumara sahara tilehi-nyanfan kòsa in na

"URSS" ye dògòtòrò minènw nyi Mali la

Jumadon, san 1986, Zuluye kalo tile 4, lajè dò kèra kuluba, Mali kènèya sabatili walew ni hadamadenya kow minisiriso la, ciyakèda in minisiri Mmu Sidibe Ayisata SISE ni "URSS" lasigiden Ewugeni NERISE SOWU ka nyèmògòya kònò.

Kènèya sabatili walew cèsira nyuman minnu b'an ni Irisila cè, lajè in kèra o sinsini kadara kònò ni dògòtòrò kalanso jèli n'a baarakè minènw nyini ye Mali la "URSS" fè.

Mali bèna jamana cè-mancè dògòtòròw ka kalanso lakuraya ni Irisila ka demè ye, kalanso min jòra "URSS" fè kabini san 1963.

U ye dògòtòrò minènw fana di an ka kènèya sabatili walew minisiri ma, a k'u lasè Gabiriyèli TURE dògòtòròso la, cè-mancè dògòtòròw bè t'u ka baaraw dege yòrò min na. Demè in nafolo kasabi ye

"CFA" wari miliyòn 150 ye.

Ewugeni NERISE SOWU da sera jamana fila ka jèkawale ma dògòtòròya sira kan, min hukumu kònò Irisila bè to ka dògòtòròw bila ka n'an demè, an ka lajuratòw furakèli la.

Mmu Sidibe Ayisata SISE y'a jira ko kabini Mali cè-mancè dògòtòròw ka kalanso dayèlèla, a ye baarakèla faamuyalen minnu labèn dògòtòròya walew suguya bèe la, o hake ye mògò 1341 ye; o tèmènen kò, u bèe hòra Sowiyetiki dògòtòròw nu ma, u ka dònnyaw la, ka sifilèli kè u ka kètaw la.

An ka kènèya sabatili walew minisiri y'a jira ko jèkabaa-nyuman min b'an ni "URSS" cè dògòtòrò-yakow la kabini hitè, min y'ale bolo nisòndiya ani wasako ye, a b'a kanu an teri sowiyetikiw k'o jèkawale jiidì ka t'a fè.



"USA" ka demè natama

Demè teliman kadara kònò ka nyèsin ja kasaaratòw ma, "USA" gòfèrènama ye Mali demè ni kabatòni 16.250 ye ani tulu tóni 515 ni nònò tóni 1025.

Balo in dili bolonòhila lajè kèra, san 1986, zuluye kalo tile 4, Mali minisiriso la min ka baara nyèsinnen don Mali ni jamana wèrèw cè-kow ma.

Ciyakèda in minisiri Modibo KEYITA ni "USA" lasigiden Orobèri IRIYAN de y'u bolonòw bila sè-bèn nafama in na, "USA" demèkè jèkulu "US-AID" kuntigi nyè na.

Jèkulu min b'an fèyan, ja kasaaratòw ka konyèw nyènbòli la, o ye jatèminè kè ka suman dilenw tila Moti ni Segu ni Bamakò ni Gosi cè. Demè in nafolo kasabi bè se "CFA" wari miliyari kelen ni miliyòn 600 ni kò ma.

Lajè kènè kan, OROBÈRI IRIYAN ye dugaw don Mali ye, Ala ka nyinan Samiyè diy'an na, walasa an ka s'an yèrè kòrò baloko la, n'a ma kè ni mògò wèrè ka demè ye.

Mali kòkankow minisiri Modibo KEYITA y'a jira ko "USA" ka demè ma kàtigè Mali

la kabini an ka jamana nyèmògòw ye wèle bila don min na dinyè jamanaw bèe ma u k'an demè ka ja n'a masibaw kèlè.

A ko tuguni, ko malidenw nisòndiyara sinyè caman "USA" ka bolodinyògònma baaraw ni jigitugu walew la, u ye min k'an ye sira caman kan.

Minisiri Modibo KEYITA k'a jigi b'ala k'a fò, ko nin wale in min nyèsinnen don Mali sòrò n'a hadamadenya walew yiriwali ma, a na kè sababu ye k'an ka jamana fila cèsiraw sinyè kàtigè Mali